

Inatsisartut suleriaasianni § 37, imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

1. Inoqarfiup illoqarfittut imaluunniit nunaqarfittut inissisimanerata immikkoortiterneqarnissaanut inatsisitigut, allaffissornikkut pilersaarusiornikkullu suut tunngavigineqartarpat?
2. Inoqarfik qaqugu illoqarfittut inissinneqarsinnaanersoq pillugu innuttaasut amerlassusaannut killiliussaq aalajangersimasooq pigineqarpa?
3. Oqartussaarfik sorleq inoqarfiusoq nunaqarfimmit illoqarfimmut inissisimanerata allanngortinnissaanut piginnaatitaava?
4. Kullorsuup illoqarfittut inissisimalernissaanut inatsisini allannguutit, allaffissornikkut aalajangiinerit kiisalu kommunip pilersaarusiorderani allannguutit suut pisariaqassappat?
5. Kullorsuup nunaqarfittut inissisimatinneqarnissaa kingusinnerpaamik qaqugu nalilersorneqarsimava?
6. Naalakkersuisut nassuiaateqarsinnaappat pisortat sullissineranni suut nalinginnaasumik illoqarfinni pigineqartartut, kisiannili nunaqarfinni pisariaqanngitsumik imaluunniit tamatigut pigineqanngitsut?
7. Naalakkersuisut naliliinerat naapertorlugu Kullorsuup inissisimaffiata allanngortinneqarnerata aningaasaqarnikkut allaffissornikkullu kingunerisassai qanoq issappat?
8. Naalakkersuisut Kullorsuarmi innuttaasut amerlassusaasa ukiuni kingullerni 20-ni ineriartornerat pillugu paasissutissiissuteqarsinnaappat, matumani ukiunut agguataarnerat, inunngortut, toqusimasut aamma nuuttut ilanngullugit?
9. Inoqarfiit qassit illoqarfittut inissisimasut Kullorsuarmut innuttaqassutsimikkut appasinnerusunik imaluunniit assingusumik amerlassuseqarpat?
10. Kullorsuup peqqinnissaqarfiani peqqinnissaqarfiup sullissiveqarfia pillugu pitsanngorsaannissamut pilersaarutit suut pigineqarpat, aamma ukiuni kingullerni tallimani tamani Kullorsuaq qanoq akulikitsigisumik nakorsamit, peqqissaasumit, kigutilerisumit ernisussamillu tikinneqartarsimava?
11. Ukiuni kingullerni tallimani tamani Kullorsuarmut napparsimasunik piaartumik angallassinert qassit ingerlanneqarsimappat, agguaqatigiissillugulu qisuariarnissamut piffissaq qanoq sivilutigisimava?
12. Naalakkersuisut misissorniarpaat peqqinnissaqarfik allilernerneqarsinnaanersoq, taamaalilluni peqqinnissamik sulialinnik aalajangersimasunik sulisussaarluni

aamma qarasaasiakkut nakorsarneqarnissamut (telemedicine)
atortulersorneqarluni?

13. Naalackersuisut imaluunniit Mittarfegarfiit siusinnerusukkut misissuisimappat Kullorsuarmi imaluunniit Kullorsuup eqqaani mittarfiliortoqarsinnaanersoq?
 - a. Aappiuppat, misissuinerni inernerit, naatsorsukkat aamma inassuteqaatit paasissutissiissutigineqarnissaat qinnutigineqarpoq.
 - b. Naamiuppat, Naalackersuisut teknikkikkut misissuinissamik aallartitsissappat mittarfiliorsinnaaneq imaluunniit timmisartuussinermi aaqqiissutissamik allamik isumannaannerusumik ingerlatsiviusinnaasumik?
14. Ukiuni tulluuttuni qulini Kullorsuarmi umiarsualivimmut, heliportimut, innaallagissiorfimmu, imermik pilersuinnermut, eqqagassalerinnermut aamma attaveqaqatigiinnermut suut aningaasaliissutigineqarnissaat pilersaarutaava?
15. Kullorsuarmi illut najugaqarfiusut aamma sulisunut inissiat qassit pigineqarpat, taakkunanngalu qassit iluarsaanneqartariaqartut imaluunniit atorneqarsinnaajunnaarsinneqartariaqartut nalilernerqarpat?
16. Naalackersuisut Avannaata Kommunia suleqatigalugu Kullorsuarmut ataatsimut ineriartortitsinissamut pilersarusiussappat?
17. Naalackersuisut suliniuteqassappat inoqarfiit anginerusut, sumiiffinni annertunerusuni sullissinnermik isumaginnittut, pillugit immikkoortortamik nutaamik "sumiiffimmi qitiusumik inissisimaffik"-mik pilersitsisoqarnissaanut?
18. Naalackersuisut qaqugu Kullorsuup ineriartortinneqarnissaanut pisariaqartitaasa aamma siunissami illoqarfittut inissinneqarsinnaaneranut periarfissaasa ataatsimut nassuiaat saqqummiussinnaassavaat?

(Inatsisartunut ilaasortaq Isak Johannesen, Naleraq)

Tunngavilersuut:

Kullorsuaq Avannaata Kommuniata avannaani inoqarfiuvoq uummaarissuseqarlunilu pingaaruteqartoq. Inoqarfik 390-it missaannik innuttaqarpoq, taamaalillunilu Kalaallit Nunaanni ullumikkut illoqarfittut taajuutillip sinnerlugu innuttaqassuseqarluni. Kisiannili Kullorsuaq suli nunaqarfittut inissisimavoq. Inissisimaffik taanna pisortat sullissinnerisa, attaveqaqatigiinnermut atortulersuutit, peqqinnissaqarfiup sullissinnerata, inissiat, angallannerup inuussutissarsiornermillu ineriartortitsinnermut siunissaq ungasinnerusoq eqqarsaatigalugu pingaarnersiinnermut sunniuteqarsinnaavoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.